



**Ukiumi missingersuusiorfiusumi 2016-imi kommuninut  
ataatsimoortumik tapiissutissat pillugit  
isumaqatigiissut.**

**Ataatsimut**

Kommunit aamma Namminersorlutik Oqartussat ulloq 22. januar 2014 nutaamik missingersuusior-  
tarnermut atatillugu suleqatigiinnissamut isumaqatigiissuteqarput, kommunit Namminersorlutillu  
Oqartussat akornanni suleqatigiinneq nutarterniarlugu, ataatsimoorlutillu ungasinnerusumut at-  
tanneqarsinnaasunik aningaasarsiornikkut politikki aamma pisortat ingerlatsineranni tamarmiu-  
sumi suliasanik naammassinninniarternermi aaqqiissutissarsiumallutik. Illua'tungeriit isu-  
maqatigiissutigaaq isumaqatigiissut nutaaq pingaaruteqartoq, minnerunngitsumik isiginiaraanni in-  
nuttaasut ukioqqortussutsimikkut katitigaanerisa ukiuni aggersuni malunnaatilimmik allannguuteqar-  
nissaat, tamanna aningaasarsiornikkut politikki ingerlanneqartumi aqutsinermi piumasaqaateqar-  
fiummat, taamatullu aamma innuttaasut atugarissaarnissaannut tapiissutit tunniunneqartartut pingaar-  
nersiorlugit tullerriaarneqarnissannik pisariaqartitsimmat. Illua'tungeriit akornanni oqaloqatigiit-  
toqarpoq aaqqissuusseqqinnissat imarisassaat pillugit, ukiuni aggersuni aningaasarsiornikkut at-  
tanneqarsinnaasunik ingerlatsinissamut tunngaviliisussamik.

Missingersuusior-  
tarnermut isumaqatigiissuteqarnermi illua'tungeriit aalajangiuppaat ataatsimoortu-  
nik tapiissutinut isumaqatigiissutit ukiunut arlaqartunut atortussat isumaqatigiissutigineqartalissasut,  
taamaaliornikkut ungasinnerusumut pilersarusiorsinnaaneq akimut ersittoq pisortallu ingerlatsiviinit  
tamanit aqunneqarsinnaasoq aqqutissiuunniallugu. Illua'tungeriit erseqqissaatigaat ataatsimoortumik  
unammilligassanut oqimaaqatigiissitsisumik tunngaveqarnissaq pisariaqartoq, ilutigisaanillu kom-  
munit aamma Namminersorlutik Oqartussat aningaasanik atuisinnaanerit isiginiarneqassasoq.

Siunissami ataatsimoortumik tapiissuteqartarnernut isumaqatigiissutaasussat perrassaasunik inger-  
latsinissamut tapersersuisuussapput, taamaaliornikkut pisortat suliasaataat sunniuteqarluartumik tul-  
luartumillu ingerlanneqarsinnaaqqullugit, tamatumunngalu ingerlaavartumik nalilersuisoqartassaaq,  
aningaasaqarnikkut kingunerat kisiat pinnagu, kisiannili aamma pitsaassuseq sulianillu naammassisa-  
nik iluarisimaarinnineq eqqarsaatigalugit.

Naalakkersuisut kommunillu isumaqatigiissutigaaq aaqqissuusseqqinnermi anguniagaasut inger-  
latseqqinneqarnissaat kommuninik nukittuunik pilersoqarnissaa eqqarsaatigalugu, piffissap ingerla-  
nerani akisussaaffinnik amerliartortunik tiguisinnaasunik, tamanna innuttaasunut iluaqutaasinnaatil-

lugu. Suliaq taanna suli annertusaavigineqassaaq, tamatumunngalu atatillugu pisariaqarpoq siunis-sami kommunit qanoq ittuunissaat paasissallugu, kommunit angissusaat aamma isumaqassammat, suliassat qanoq ittu iluaqutaasumik nuunneqarsinnaanerannut.

Ukiunut arlalinnut atortussanik immikkoortunut pilersaarutininik suliaqartoqartassaaq, innuttaasut ukioqqortussutsinut agguataarnerisa allanngoriartornerat tunngavigalugu aaqqissuussaasunik, pisor-tat aningaasarsiornerat piffissamut ungasinnerusumut pilersaarusiorsinnaajumallugu, ukiut tamaasa sammineqartartumik, kingornagullu aningaasanut inatsimmi kommunillu aningaasartuutissanut mis-singersuusiaannut ilaatinneqarsinnaasunik. Suliniutinik aallartitsisoqareerpoq sanaartorfissagissaa-nermi siunissami killiliussassanik suliaqarnermut tunngatillugu, kiisalu atuartut angerlarsimaffiitut – skolehjemminut – aamma atuarfinnut tunngatillugu. Suliaq 2016-ip ingerlanerani naammassineqas-saaq.

Immikkoortunut pilersaarutit aamma paasissutissanik naleqarluartunik tunniussaqaassapput suliassa-nik nussuinissanut aggersunut atatillugu. Kommunit kissaatigaat suliassaqaarfinnik amerlanerusunik tigusinissartik, tamatumani aamma sanaartornermi sulianik. Illua'tungeriit tamanna peqqissaartumik piareersaasiorneqassasoq aamma ingerlanneqassasoq sanaartukkat ingerlaannarfigisaannik isu-maqatigiissutigaaq, naapertuilluartumillu kommunit akornanni sanaartugassanut aningaasaliissutinik agguasarnermut aaqqissuussinermik pilersitsisoqartariaqartoq. Taamaattumillu suliassaqaarfimmik nuussinissaq killiffilersukkamik aaqqissuunneqassaaq.

2016-imullu ataatsimoortumik tapiissutissanut isumaqatigiissuteqarnissap kingunerisaanik isumagi-niarneqassaaq nunaqarfinni isorliunerusunilu illuliassanut akisussaaffimmik nuussinissaq.

Aningaasartuutissanut missingersuusiortarnikkut suleqatigiinneq peqataassaaq Kalaallit Nunaanni oqimaaqatigiissumik annertusiartortitsinermut ineriartornermullu, taamaattumillu ilaatigut ataatsi-moortumik tapiissuteqartarnermut naligiissaarinermullu aaqqissuussinissamik nutaamik ilusilersui-neq ingerlanneqarluni.

Naalackersuisut aalajangerput tapiissuteqartarnermut naligiissaarinermullu aaqqissuusseqqinnermut agguariaaseq nutaaq 2019-miit atuutilersinneqarnissaa suliarineqassasoq. Taamaattumik Naalak-kersuisut aalajangerpaat 2016-miit 2018 ilanngullugu utaqqiisaagalaartumik agguaassisoqassasoq. Tapiissuteqarmut isumaqatigiissummut Naalackersuisut aalajangernerat kommunit aningaasaqar-nerannut imaatut kinguneqarpoq:

- Kommuneqarfik Sermersuup tapiissutitigut isertitai ukiumoortumik 45 mill.-nik apparteqqin-neqassapput ukiuni 2016-miit 2018 ilanngullugu taamaalluni ukiuni siuliini appaasimaneq ilanngukkaanni katillugit ukiuni pineqartuni ukiumut 90 mill.-nik appaasoqassalluni
- 45 mill.-nit Qaasuitsup Kommunianut aammalu Kommune Kulallermut 2015-mi agguaassi-neq assigalugu agguanneqassapput
- 45.- mill.-nit kommuninut pingasuusunut agguarneqassapput Qaasuitsup Kommunianut uki-umut 25 mill.-nik, Qeeqata Kommunian 5 mill.-nik kiisalu Kommune Kujalleq 15 mill.-nik.

Naligiissarinnermik aaqqissuussinnermik ataavartussamik suliaqarnermi allaffissornikkut sulianik malersueqqinnermi tunngavigineqartussat naatsorsuutaapput missingersuusiortarnermut isumaqatigiissummi ileqqut tunngaviusut, kiisalu borgmesterit Ilulissani august 2014-imi ileqqut tunngaviusut isumaqatigiissutigisaat. Suliamik malersueqqinnermi immikkut ilisimasallit naleqquttut ilu-aqutigineqarput, isumannaarneqartarlunilu akuttunngitsumik politikikkut ataqatigiissarisuutitanut suliap ingerlanera pillugu nalunaaruteqartarnej.

Kommunillu isertissinnaasaat pitsaanerulersinniarlugit Naalakkersuisut siunnerfilimmik sulissutiginiarpaat Savalimmiuni aaqqissuussinertut taaneqartup pilersinneqarnissaa, tassani aaqqissuussinnermi siunertarinqarmat akiitsunitsitsinaveersarneq aamma pisortanut akiitsunik annikinnerulersitsiniarluni sulineq. Tamanna kommunit suleqatigalugit ingerlanneqassaaq, akiliisitsiniartarnermik nukittorsaanerup ingerlanneqarnerani.

Aningaasartuutissanut missingersuusiortarnermut aaqqissuussinerup imarisai 2016-imut ataatsi-moortumik tapiissutissanut isumaqatigiissutissami tamakkiisumik ilanngunneqarsinnaasimangillat, taamaattumillu illua'tungeriit isumaqatigiissutigivaat siunnerfilimmik sulissutiginiarlugu isumaqatigiissummi ileqqut anguniakkallu suli annertunerusumik 2017-imut ataatsimoortumik tapiissutinut isumaqatigiissutissami ilaatinneqarnissaat.

### **Immikkut suliniuteqarfissat kommuninit aamma Namminersorlutik Oqartussanit peqataaffigineqartussat naatsorsuutigineqartut**

Aningaasartuutissanut missingersuusiortarnermut isumaqatigiissummi naatsorsuutigineqarpoq ataatsimoortumik tapiissutissanut isumaqatigiissut piffissamut ungasinnersumut pilersaarusiortarnermut ilapittuutaassasoq. Ataatsimoortunik tapiissutinut isumaqatigiissutit pisortat suliassaminnik naammasinninniarnannut killiliussaassapput pitsaasut, ataatsimoortumillu paasinninnerussallutik sakkut qanoq ittunik atorneqarnissaannut, aningaasarsiornikkut isumannaatsumik attanneqarsinnaasumillu ingerlatsinissap isumannaarneqarnissaanut aamma kommunit Namminersorlutillu Oqartussat akornanni tulluurtumik suli at agguataarneqarnerannut.

Tamatamani paaseqatigiissutigineqarmat inuiaqatigiinni aaqqissuussaannikkut ajornartorsiutaasut pitsaasumik inerititaqarfiusumillu suleqatigiittoqarnissaa pisariaqartinneqartoq. 2016-imut ataatsimoortumik tapiissutinut isumaqatigiissutikkut suliassaqaqfinni makkunani immikkut eqqumaffiginnittoqarnissaa isiginiarneqarpoq:

#### Pisortat ingerlatsiviini aningaasartuutiniq aqutsineq pitsaanerusoq:

Naalakkersuisut naatsorsuutigaat 2016-ip upernaavani aningaasartuutissanut missingersuusiortarnermut inatsit nutarterlugu siunnersuummik saqqummiussinissaq, tassuuna isumannaarniarlugu aningaasartuutissanut missingersuusiortarnermi ataqatigiissaagassanik ataqatigiissaarinq annertusisaq, aningaasartuutiniq aqutsinerup nukittorsarneqarnissaa, pisortat ingerlatsiviini tamani, isumannaarumallugulu aningaasarsiornikkut isumannaatsumik ingerlatsineq.

# NAMMINERSORLUTIK OQARTUSSAT KALAALLIT NUNAANNI KOMMUNIT KATTUFFIAT

---

Kommunit inatsisiliassap piareersarneqarnerani peqataatinneqarumaarput, aningaasartuutissanut missingersuusiortarnermut inatsit nutaaq aamma kommunini aningaasaqarnikkut aqutsinermi killili-ussassanik imaqtussaammat.

Naalackersuisut kommunillu ilanngullugu isumaqatigiissutigaa aningaasaqarnermut ingerlatsiner-mut qarasaasiatigut atugassaq, ERP, tassungalugu atatillugu kontoplan-i nutaaq kingusinnerpaamik 2017-miit atuutilissasoq. Siunertarineqarpoq pisortani aningaasanik ingerlatsinerup pitsanngorsar-nissaa tassanilu pisortani ingerlatsivigineqarsinnaasuni assigiimmik toqaammaveqarluni nalu-naarsueriaaseqarnissaq ilaatigut assigiimmik paaqutarialinnik assigiimmik nalilersuuteqalernissaq.

Kommunini aningaasarsiornikkut kisitsisinik pingaarnernik qularnaallisaaneq:

Kalaallit Nunaanni Naatsorsueqqissaartarfiup kommunit aningaasarsiornikkut kisitsisaataasa qular-naallisarneqartarnerat KANUKOKA-miit tigussavaa, Naalackersuisullu 2015-imut aningaasanut inatsimmi Kalaallit Nunaanni Naatsorsueqqissaartarfimmut aningaasaliissutit amerlisissimavaat, kommunini aningaasarsiornikkut kisitsisit pingaarnert katersorneqartalernissaannik pisariaqartitsi-neq isumannaarumallugu.

Suliassaqarfiit avitsilluni aningaasalersorneqartut:

Kommunit Namminersorlutillu Oqartussat suliassaqarfiit arlaqartut aningaasartuutaareersunik ma-tussusiisarnikkut avissimavaat. Perrassaataasumik aaqqissuussiniarnerni tamanna naammaginan-ngitsumik kinguneqarsinnaavoq, illua'tungeriit arlaata kisimi aningaasartuutaasigut aningaasartuuti-viusut ersersinneqartanngimmata. Aningaasartuutillu tassani pineqartut naapertuinngitsumik unammillerutitut isikkoqalersinnaapput, aningaasartuutitut tamakkiisumik kommuninit Namminer-sorlutillu Oqartussanilluunniit aningaasartuutigineqartartunut. Illugiilluni soqutigisarineqarpoq in-nuttaasup eqqortumik sullinneqarnissaa, aningaasanillu pisariaqartitaminik pinnaasat iluanni tu-nineqartarnissaa. Aningaasarsiornikkut aaqqissuussaaneerit tamanna ilalersussavaat, taamaattumillu suliassaqarfiit aningaasartuutunik avitsiviusartut killilersorneqassapput, nalilersuineqartaqanngitsu-mik ingerlatsinernut ikaarsaarnikkut. Suleqatigiissitamik pilersitsisoqassaaq KANUKOKA-mit, Aningaasaqarnermut Naalackersuisoqarfimmit aamma immikkut ilisimasalittut naalackersuisoqar-finnit pisariaqartunit ilaasortaqtumik, siunissami periaasissanik siunnersuusiortussanik.

Meeqqat atuarfiata nalilersuiffigineqarnerata malitseqartinneqarnera

Meeqqat atuarfiata nalilersuiffigineqarnerata kingunerisaanik maannakkuugallartoq suliniuteqarfis-satut ukua toqqarneqarput.

- Perorsaarnikkut sulisoqarnikkullu aqutsineq pitsaannerusoq.
- Pitsaassutsimik uuttuisarnermut periaatsit
- Iliusissatut pilersaarutit / atuartut mappii
- Atuarfiup aamma angerlarsimaffiup suleqatigiinnerat
- Allamiut oqaasiinik ilinniartitsinerup nukittorsarneqarnera
- IT-mik ilinniartitsinerup politikki

Suliassa qarfiit pineqartut suliniute qarfigine qarmissaanni piunasaqaataavoq ineritita qarfiusumik suleqatigiitto qarmissaa, kommunit, Naalakkersuisut susassa qartullu naleqquttut allat akornanni. Ilu-tigisaanik Naalakkersuisut kommunit oqaloqatigalugit aallartippaat, meeqqat atuarfiannik nakkutil-liinermik ingerlatsinissap atortuulersinne qarmissaanut atatillugu.

Isuma qatigiissute qartoqassaaq pitsaanerusumik, atuartut nerisinne qartarnerannut tunngatillugu, maannamut aaqqiinermut sanilliullugu, atuartut ilikkaga qartarnissaannut tunngavissat isumannaarumallugit.

EU-p ukiumoortumik tapiissutigisartagai akilerne qartarput aalajangersimasumik angissusilittut 80%-iusumik, ukiumut killiliussani, aamma nikerartumik tapiissutitut annerpaamik 20%-imik anertussusilittut. Nikerartumik annertussusillip annersaani apeqqutaavoq anguniakkanik angusaqarsi-manek, ilinniartitaanikkut uuttuutit assigiinngitsut tunngavigalugit. Meeqqat atuarfiat sioqqullugu aamma atuarfe qarnek kommunit suliassa qarfigimmatigit, Naalakkersuisut peqatigiinnissamut isumaqatigiissut naapertorlugu isertitassaanni kommunit qanoq naammassisaqassusiat apeqqutaavoq. Taamaattumillu Naalakkersuisut aamma kommunit ataatsimoorlutik pisariaqartippaat suliniutit ingerlanneqartut iluatsinnissaasa isumannaarnissaat, kiisalu nalunaarusiortarnermi, nalilersuisarnermi aamma pilersaarusiortarnermi anguniakkat angune qarmissaannut suliassa qarfinni pineqartuni paasis-sutissat aalajaatsut pigine qarmissaat.

#### Inuusuttunut suliniutit:

Inuusuttuaqqat amerlasuut ilinniakkamik aallartitsinissamut qinnute qarnek ajorput, meeqqat atuarfiat qimakkaangamikku. Inuusuttuaqqat siunnerfiusut sulilu ilinniakkamik aallartitsisimangitsut amer-lasuutigullu ikaarsaariarnermi aaqqissuussinernik taaneqartartuni peqataasartut nalilersuiffigne qarne-rat (15-iniit 18-inut ukiullit) aallartinneqarsimavoq. Aningaasaliissutit amerlasuut kommuninit aamma Namminersorlutik Oqartussanit atorneqartarput ingerlariaqqinnissaannut ilinniagaqalernissa-mullu piareernissaannut. Aningaasaliissutillu taakkua ilinniartitaanerni aningaasaliissutissaniit aa-neqartarput, taamaattumillu pingaartuuvoq ikaarsaariaqarnermik aaqqissuussinerit taamaattut an-nikinnerulersinne qarmissaat, ingerlaavartumillu suliniutaasut nalilersorneqartarnissaat. Atualernissaq sioqqullugu ingerlatsineq aamma meeqqat atuarfiat inuusuttuaqqat taakkua sinneruttartut ikinneru-lersinniarneqarneranni pingaaruteqartumik inissisimapput.

Isuma qatigiissutigine qarpoq suliffissaaleqinerup akiorneqarnerani immikkut eqqumaffigineqassasut inuusuttut ilinniagaqarnissamut piareersimasut, inuusutissarsiummik ilinniagaqartinne qarmissaat, taamalu ataavartumik suliffissarsinissaannut periarfissat annertunerulersinne qarmissaat.

Illua'tungeriit ataatsimoorlutik anguniarniarpaat inuusuttunut 18-iniit 25-inut ukiulinnut tunngatil-lugu piunassuse qarnerusumik suliniutinik aallartitsinissartik. Tamatumanilu isumaginninnermi anin-

gaasaliissutaasartut ilinniagaqarnersiutillu aaqqissuuteqqinneqarnissaanni amerlanerusut ilinniagaqarnissamut kaammattorneqarnissaat aqutissiuunniarneqassaaq, taamaattumillu tamatumunnga tunngavissanik pilersitsiniartoqassalluni.

Nalilersuineq ingerlanneqartoq naammassippat, illua'tungeriit inuusuttut siunnerfiusut suliniuteqarfigineqarneranni iluatsittumik ingerlatsisoqarsinnaaqqullugu, kommuninut aningaasaliissutitigut perassaataasinnaasunik periarfissarsiuussiniarput. Nalilersuinerlu tunngavigalugu ilaatigut isummerfigineqarumaarpoq suliassa qarfiup aaqqissuunneqarnera suli annerusumik naammassisaqarfiusinnaangorlugu aaqqissuunneqarsinnaanersoq.

#### Digitaliseringi:

Nuna tamakkerlugu digitaliseriinerlutik anguniakkani 2014-2017 –imi illinernik aqutigineqartussanik pingaaruteqartunik pilersitsisoqarpoq, pisortat suliassa qarfiutaanni tamarmiisumi. Namminersorlutik Oqartussat kommunillu isumaqatigiipput suliniutit arlaqartut pillugit, allaffissornikkut sulianik ingerlatsinerlutik annikinnerusumik pitsaanerumillu pilersitsisinnaasut, aamma innuttaasunik kiffartuussinermi taamaalilluni Namminersorlutik Oqartussat, kommunit innuttaasullu akornani allaffissorneq annikillillugu kiisalu aamma sapinngisamik aningaasarsiornikkut iluaqutissanik kinguneqartussanik.

Piffissami matumani suliniutit tulliuuttuniittut piareersarneqarput imaluunniit ingerlanneqarlutik:

- Digitaliusumik allakkat
- Video-kkut attaveqatigiinneq
- Pisortani ataatsimoortumik aningaasaqarnikkut aaqqissuussineq
- Imminut sullinneq annertunerusoq (Sullissivik)
- Pigaartuunissamut pilersaarutit digitaliusut
- Ataatsimoortumik paasissutissanik katersiviit tunngaviusut
- Inuit pillugit paasissutissanut inatsit nutaaq

Illua'tungeriit isumaqatigiissutigaaq pisariaqartoq suliniutit akuersissutigineqareersimasut piviusunngortinneqarnissaat siuarsarneqassasoq, pisariaqarfiisigullu iluaqutissat anguneqarnissaannut suleqatigiittoqartariaqarnera, anguniakkat tunngavii aallaavigalugit.

Illua'tungeriit isumaqatigiipput innuttaasunut nittartagaq Sullissivik pillugu ingerlatsineq ineriartortitsinerlu pingartinneqassasoq. Aningaasaliissutit 2016-imi amerlineqassapput 0,5 mio. kr.-inik Namminersorlutik Oqartussaniit aamma 0,5 mio. kr.-inik kommuniniit, innuttaasunut nittartakkap ineriartortinneqarneranut, digitaliseriinerullu annertusarneqarneranut. Illua'tungeriit isumaqatigiissutigaaq Sullissiviup ingerlaqqittumik ineriartortinneqarnissaanut pilersaarummik suliaqartoqassasoq, tamatumani aamma ataatsimoortumik tunngavissaqarniarluni aningaasaqarnikkut sulisoqarnikkullu pingaarnersiulluni tulleriarinissamut, kiisalu pisortat ingerlataasa akornanni ataatsimoorusani digitaliusumik ingerlatsinermi suliniutissat eqqarsaatigalugit.

Siusinaarluni soraarnerussutisiaqartitsineramik aaqqissuusseqqineq:

Namminersorlutik Oqartussat, kommunit aamma KANUKOKA-p akornanni isumaqatigiissutigineqarpoq siunnerfilimmik sulissutigineqassasoq siusinaarluni soraarnerussutisiaqarnerup aaqqissuuteqqinneqarnissaa. Tamatumani aamma illuatungeriit inatsisissatut siunnersuutip akuersissutigineqarnissaata tungaanut aningaasaqarnikkut kingunerisassai qaammarsaaviginiarpaat, Aningaasaqanermut Naalackersuisoqarfiup, Ilaqutariinnermut, Naligiissitaanermut aamma Isumaginninnermut Naalackersuisoqarfiup KANUKOKA-llu suleqatigiinnerisigut.

Tamatumanilu aamma suleqatigiissitamik suligasuartussamik pilersitsisoqassaaq, aaqqissuusseqqinnerup atortuulersinneqarnissaanut siunnersuusiortussamik. Pingaaruteqarporlu atortuulersitsinermi kommunit pisariaqartitsinerisa isiginiarneqarnissaat, aamma suliassap kivinnissaanut nukissaqarnerut eqqarsaatigalugu. Tamatumunngalu atatillugu nalilersorneqassaaq, aningaasaliissutit eqqortut immikkoortinneqarsimanersut pikkorissaanernut, piginaangorsaaqqinnernut aamma ullup ilaani suliffeqarsinnaanernut. Tamannalu sapinngisamik ingerlanneqartariaqarpoq aningaasanut inatsimmi aningaasaliissutaasut iluanni. Qulaajaanerulli ingerlaqqinnerani pisariaqartinneqalersinnaavoq nalimmassaanissamik, aamma inatsisissatut siunnersuummi namminerimi, UKA 2015-imi naammasillugu suliarineqarnerani.

Isertitat tunngaviusussat kingulliit:

Ullumikkut akileraartarnikkut isertitat tunngavigineqartarput isumaginninnermi ikiorsiissutinik tunniussinissani. Tamanna isumaqarpoq isertitat tunniussinissami tunngavigineqartut qaammatit 20-it angullugit nutaangissuseqarsinnaanerannik. Tamanna nikingasoornermik annertuumik pilersitsisinaasarpoq, inuillu tunineqartussaangikkaluit tunineqarnerannik kinguneqarsinnaalluni. Taamaatumik Naalackersuisut inatsisissatut siunnersuummik akuersissutiginnitsitsiniarput, isertitaqarsinanermut tunngaviusartut allannortikkumallugit, taamaasillunilu tunngavigineqartussaq pineqartup piffissami atuuttumi isertitaanik aallaaveqalersillugu.

Isertitanik piffissamut atuuttumut tunngasunik atuisinnaaneq akileraartarnikkut kisitsisinik atuisinnaanermik tunngaveqarpoq. Inatsisissatut siunnersuut 2015-imi ukiaanerani ataatsimiinnermi saqqummiunneqassaaq.

Kommunit Namminersorlutillu Oqartussat pisiniartarnermi suleqatigiinnissaannik aallartitsineq:

2013-imi "Namminersorlutik Oqartussat kommunillu suleqatigiinnerat pillugu nassuiaasiami" siunnersuutigineqarpoq ataatsimoorussamik suliassaqrarfiit akimorlugit pisortat pisiniartarnerannut aaqqissuusaaanermik pilersitsisoqarnissaa. Aaqqissuusinerup taamaattup siunertarissavaa ataatsimoorussamik pisortat pisiniartarnissaanni unammilligassanik sunaassusilersuinissaq, misissussallugulu pisortat suleqatigiinnerisigut suliassaqrarfiit akimorlugit isumaqatigiissuteqartarsinnaaneq. Aaqqissuusisinnaanermili piumasaqaataavoq kommunini aamma Namminersorlutik Oqartussani maanna pissutsit qanoq ittuunerisa ersarissaavigineqarnissaat.

Kommunit aamma Namminersorlutik Oqartussat akornanni suleqatigiinneq nukittorsarniarlugu aallartinneqassaaq siunnerfilersukkamik oqaloqatigiinneq, pisiniartarnerit, isumaqatigiissuteqartarnerit, anguniakkat, unamillertitsisarneq aamma ataatsimut soqutigisat kommunini ataasiakkaani pisi-niartarnerit akisussaasut peqatigalugit. Suliami tassani aamma inuiaqatigiit aningaasarsiorderanni eqqumaffigisassat apeqqutillu pisariaqartut qallorneqassapput, tamatumani aamma suliffeqarfinnut ilinniartoqarnissamut soqutiginnilersitsisinnaaneq ilanngullugu. Pisiniartarnermut politikimi sutigut tamatigut taamaattumik akikinnerpaaq aallaavigineqartassanngilaq. Suleqatigiinnermi kommunit pisiniartarnerinni nammineq atuisinnaassusiat innarlerniarneqanngilaq.

Pisortat ingerlatsiviini piginnaasatigut ineriartortitsineq:

Namminersorlutik Oqartussat kommunillu akornanni suleqatigiinnissamut isumaqatigiissumut nasuiaammi november 2013-imeersumi inassutigineqarpoq pisariaqartitsinermik qulaajaasoqarnissaa aamma siunnersuusiortoqarnissaa Namminersorlutik Oqartussani aamma kommunini sulisuusut ilinniartitaanerannut piginnaasanillu ineriartortitsinerannut tunngatillugu. Sulisuusut sukkavallaarujusuarfik taarsaannerat piginnaasanik annaasaqarnermik kinguneqartarpoq aammalu politikikkut aalajangiinissami tunngavissamik sanngiinnerulersitsisarlu.

2014/15-imi Namminersorlutik Oqartussani aamma Kommuneqarfik Sermersuumi aningaasaqarnikkut aqutsinermi piginnaasanik qulaajaasoqarpoq. Piginnaasanik qulaajaanerup inernerit august 2015-imi saqqummiunneqassapput. Illuatungeriit isumaqatigiissutigaaq nalunaarusiap inernerit tunngavigalugit iliuusissatut pilersaarummik suliaqartoqarnissaa siunnerfiussasoq, nalunaarusiami inasuteqaatigineqartut malersoqqinniarlugit, tamanna pisortat ataatsimoorussamik ingerlatsineranni isumaqartillugu.

Tamatumunnga atatillugu illua'tungeriit isumaqatigiissutigaaq sulisunik pisortanillu Namminersorlutik Oqartussani aamma kommunini ilinniartitsineq piginnaasanillu annertusaaneq ingerlatseqqinneqassasoq.

Ullumikkut piginnaasanik ineriartortitsinermut AMA-mit aamma PKU-mit qinnuteqartoqarsinnaavoq. PKU-mik aqqissuussinerup iluani Namminersorlutik Oqartussat angalanerit, najugaqarnerit aamma akissarsiat aningaasalersortarpaat, innutaasup pikkorissarnerani. AMA-mit tapiisuteqartoqartarpoq angalanerit najugaqarnernullu, suliffeerunnermilu ikiorsiissutit / pisortanit ikiorsiissutit kommunimit akilerneqartussaasut. Kommunit kissatigisimavaat aningaasaliissutit aqqissuussaannerat aqunneqarnerallu qaqinneqassasut. Tamatumani isumaliutigisariaqarpoq aningaasaliissutit immikkoortitat pineqartut aqqutigalugit pisortat ingerlatsineranni atorneqartartut kommunini kommunillu ingerlatsiviini piginnaasanik annertusaanermut annerusumik iluaqutigineqarsinnaannginersut.

Siusinaarluni soraarnerussutisiaqartitsinerup aqqissuuteqqinneqarneranut atatillugu pisariaqartitsisoqarpoq kommunini isumaginnittoqarfinni piginnaasanik pigineqartunik qulaajaasoqarnissaa, aammalu piginnaasanik annertusaanermik aallartitsisoqarnissaa. Illua'tungeriit isumaqatigiissutigaaq



qulaajaanissamut aningaasanik nassaarniarthoqassasoq, oqallisigineqassasorlu qanoq aaqqissuussinik-kut aningaasaqarnermik ingerlatsinermit nalunaaruteqartarnek malersoqqinneqarsinnaanersoq.

Siunissami nunatsinni atornerluisunik katsorsaaneq:

Maanna neqeroorutaasut tunngavigalugit peqqinnissaqarfiup akisussaaffigaa imigassamik aannqajaarniutinillu atornerluisunik katsorsaasarneq, kommunillu akisussaaffigalugu katsorsartittus-sanik toqqartuisarneq aammalu akilertalugit innutaasumik katsorsaanermtu atattillugu aningaasartuutaasut.

Nalilersuinerit assigiinngitsut takuttarpat inuiaqatigiit aningaasarsiornerannut akilersinnaasoq atornerluisunik katsorsaasoqartarnera. Atornerluinerit inuiaqatigiinnut akisuujupput, meeqqanik paarsinerlunneq, meeqqanik angerlarsimaffiup avataani inissiisarnek, siusinaarluni soraarnerussutisiat, isumaginninnermi aningaasartuutit, ilinniagaqarnissaagaluarmit naammassinninnginnerit sulisinnaanermillu atuinnginneq, annersaanerit, pinerlunnerit ajoqusertarerillu pisartut pissutigalugit.

Naatsorsuutigineqassaaq Siunissami nuna tamakkerlugu katsorsaanermit ingerlatsinerit pitsaasumik kingunerisassaata ukiut marlussuit ingerlanneranni sunniukkiartulissasut. Nalilersuinerit taakkua kingunerisassaata kommuninut ataatsimoortumik tapiissutinut isumaqatigiinniarnerni ilaapput, kommunini aningaasartuutit aamma isertitat ajunngitsumik sunnerneqartussaammata.

Pilersaarutillu ataatsimoortup sunniutissai iluaqutiginiarlugit pingaaruteqarpoq akulerutissallugit ingerlatat katsorsaanermit aaqqissuussinerup toqqaannartumik malugineqarfigisassai, aammalu kommunit Namminersorlutillu Oqartussat akornanni ataqatigiissaarisoaqarnissaa. Illua'tungeriillu anguniassavaat tamatumunnga tunngatillugu ersarinnerusumik isumaqatigiissuteqarnissaaq, nuna tamakkerlugu atornerluisunik katsorsaanermtu pilersaarut AIS2016-imut atattillugu suliarineqareerpat.

Eqqagassalerinermtu pilersaarut:

Eqqagassat aamma eqqagassalerinermit ajornartorsiutit inuiaqatigiinni annertunerujartortumik sunniuteqarput. "Eqqagassanut iliuusissatut pilersaarut 2010-2021" tunngaviuvoq pisortat eqqagassalerinermit sulianik ingerlatsineranni, kommunillu eqqagassanik suliaqarneranni killiliussassanik pingaarnermit aalajangersaasuulluni. "Sanaartugassanut iliuusissatut pilersaarut" eqqagassalerinermit pilersaarutip ilaatut isigineqassaaq. Sanaartugassanut suliaasaqarfimmut pilersaarummi eqqaavissuarni pisariaqartitsinerit sammineqarput. Eqqagassalerinermit anguniakkat aamma unammilligassat taamaasillutik ersarissumik allaaserineqarput "eqqagassanut iliuusissatut pilersaarummi 2010-2021-imi" aamma "Eqqagassanut tunngasumik suliaasaqarfimmi pilersaarummi" 2015-imeersumi.

Eqqagassalerineq avatangiisinut inatsit naapertorlugu kommune suliaasaqarfiuvoq, kommunillu tamatumunnga atattillugu suliaasaata toqqaannartumik Avatangiisit innarlitsaaliorneqarnissaannik Inatsisartut inatsisaanni nr. 9, 22. november 2011-imeersumi kapitali 7-imi allasimapput (matuma kingorna avatangiisit illersorneqarnissaannut inatsimmik taagorneqartoq). Tassani ersippoq kommu-

nalbestyrelsip eqqagassat eqqarneqarnissaat isumagissagaa, soorluttaaq eqqagassalerinermut kommunalbestyrelsi pilersaarusiussasoq - qulaajaalluni, taannalu eqikkarneqassasoq kommunimi eqqagassalerinermut pilersaarutitut.

Kommunit eqqagassalerinermut pilersaarutaat Naalakkersuisut pingaarnertut eqqagassalerinermut pilersaarutaannut il.il. naapertuuttuussaaq. Tamannalu isumaqarpoq kommunit, inatsisit naapertorlugit akisussaaffigimmassuk ulluinnarni eqqagassanik isumaginninneq, aammalu eqqaavissuarmi eqqakkanik tigooraaneq eqqakkanillu suliaqarneq. Ingerlatsiviit tamakkua tassaapput eqqaavissuit, ikuallaaviit, anartarfilerineq / anartarfileriffiillu aammalu eqqagassanut ulorianaatilinnut tigooraaviit. Pinngortitamut, Avatangiisinut Inatsisinillu Atortitsinermut Naalakkersuisoqarfik qitiusuni oqartus-  
satut eqqagassalerinermi suliaasaqarfimmi ineriartortitsinermik malinnaatitsisussaavoq.

”Eqqagassanut tunngasumik suliaasaqarfimmi pilersaarut” tunngaveqarpoq eqqagassalerinerup eqqaaveqarfiiillu kommunini sisamani qulaajarneqarsimanerannik. Qulaajaanerup uppernarsarppaa eqqagassalerinermi suliaasaqarfimmi assut pisariaqartitsisoqartoq sulianik kivitsinissamut, tamatumani aamma eqqagassaleriffinnut aningaasaliisoqarnissaanik, tamaaliornikkut eqqagassalerineq ullutsinnut naleqquttumik ingerlanneqalersikkumallugu, aammalu BAT-imi tunngaviusunut naapertuuttumik (”Best Available Technology”) ingerlanneqarsinnaaqqullugu, soorlu tamanna avatangiisinut inatsimmi atuuttumi allasimasooq.

Piffissami matumani killiffimmi ataatsimut ajornartorsiutaapput anartarfinit eqqagassalerinermi peqqissutsimut tunngasumik sanngeequtit, ikuallaaviit pujortitsineri akornutaasut, ikuallaaviillu aserfallaatsaalineqannginneri, kiisalu illoqarfinni nunaqarfinnilu amerlasuuni nakkutigineqanngitsumik eqqaavissuarni igitassalerineq. Kommunit suliaasaat annertusineqassappata (qaffasinnerusunngortitsisoqassappat), kommunit DUT-imi ileqqut naapertorlugit ataatsimoortumik tapiissutitigut matussu-serneqassapput.

Avatangiisinut inatsisit ileqqunik arlaqartunik imaqarput, tamatumani aamma ilaalluni mingutsitsisup akiliusussaananeraniq ileqqooq. Kapitali ilivitsooq eqqagassanut tunngavoq, tassanilu § 39-mi allasimal-luni kommunit akitsuummik aalajangiisinnaasut, eqqakkanut tunngasumik aningaasartuutitut matussutissatut. Inatsisit naapertorlugit kommunit periarfissaqarput eqqaaveqarnerup ingerlanneqarnera-nut aningaasartuutiviit akitsuusiinikkut matussutissaqartissinnissaannut, tamatumani aamma kil-leqartumik akiliisitsisarneq periarfissaalluni. Eqqagassalerinermut ingerlatsivinnik sanaartorneq tamakkiisumik atuisut akiliutaasigut sanaartorneqarsinnaagunanngillat. Akitsuutitigulli akilersuisit-sineq ”mingutsitsisut akiliinissaanik” ileqqummut naapertuuppoq, atuisunullu taamaasilluni kaam-mattuilluni mingutitsinerup annikinnerutinissaanut.

Eqqagassalerinermi suliaasaqarfimmi sanaartugassanut pilersaarut ukiunut qulinut tullernut anin-gaasaliinissamik pisariaqartitsinermik naliliisuvoq. Ataatsimut aningaasaliinissamut pisariaqartitsi-

neq suli nalorninaateqarpoq. Taamaattumik pingaaruteqarpoq kommunit eqqagassalerinermut pilersaarutiniq suliaqartarnerat, nuna tamakkerlugu atuuttumik suliaasaqarfimmi pilersaarummut ataatsimoortumut atatillugu, kommunini immikkoortunut pilersaarusiornermi ilaasussanik.

Naalakkersuisut 2016-imi aningaasanut inatsisissatut siunnersuummi kontomi pingaarnermi 77.05.08 "Avatangiisinut atortunik tapiissutit" 14,4 mio. kr.-inik aningaasaliisoqarnissaanik qinnuteqarput. Eqqagassalerinermi suli ineriartortitsisoqarnissaa isumannaarumallugu Namminersorlutik Oqartussat sanaartugassanut tapiissuteqarsinnaapput, avatangiisinut atortorissaarutit teknikkitaannut, kontomi pingaarnermi 77.05.08-imiit. Aningaasaliissutit taamaasillutik suliaasaqarfimmi tassani aningaasaliisoqarnissaanik pisariaqartitsinerup ilaa matussusersinnaavaat.

Oqaatigineqareersutut eqqagassalerineq inatsisit atuuttut naapertorlugit kommunit suliaasaqarfigaat, eqqagassalerinermullu immikkoortumi pilersaarummut ilaangilaq pilersaarummut tamarmiusumut aningaasalersuinissamut pilersaarut.

Taamaattumik kommuninut suli oqaloqatiginninnissaq pisariaqarpoq, pilersaarutip aningaasalersorneqarnissaanut tunngatillugu, ataatsimoortumik tapiissutit pillugit isumaqatigiinniartarnertigut, imaluunniit immikkut isumaqatigiissuteqarnissamik siunertalimmik suliap malersoqqinneqarnertigut. Tamatumani aamma qulaarneqassaaq qitiusumit aalajangersakkat piumasaaqatit aningaasaqarnikkut qanoq kinguneqassanersut, taakkualu qanoq aningaasalersorneqassanersut, tamatumani aamma atuisut akiliuteqarnerisigut.

Illua'tungeriit isumaqatigiissutigaa 2016-imi aprili qaammat sioqqullugu isumaqatigiissutiginiarneqassasoq, aningaasalersueriaatsimik qanoq ittumik ullutsinnut naleqquttunik avatangiisinut tunngasumik aaqqiissutissanik pilersitsineq kinguneqassanersooq, nuna tamakkerlugu atuuttunik avatangiisinut piumasaaqatiniq nutaanik pilersitsisoqassappat.

#### Soraarnerussutisiaqartitsinermi aaqqissuusseqqinneq:

Naalakkersuisut kissaatigaat aningaasaqarnerup attanneqarsinnaasumik ingerlanneqarsinnaanera eqqanaassallugu, utoqqarnut ukiuni aggersuni amerliartortunut atatillugu. Anguniakkat immikkoortui imaattut suliaasaqarfimmi suli at ingerlaqqinnissaanni ilaapput:

- Utoqqalinersiaqartitsinermik aaqqissuussineq allannguuteqartissallugu, ilaatigut utoqqalinersiaqarsinnaanermut ukiut qaffasinnerulersinnerisigut,
- Aaqqissuussineq pisarinnerulersissallugu – aallaavittut tunngaviummik pisartagaqarnermik aamma ilassutitut pisartagaqarnermik, kiisalu soraarnerussutisiallit naligiissilernerisigut,
- Tunngaviummik pisartakkap aappaqaraanni aappaasup isertitaanut attuumassutaarullugu,
- Ilutsimik naleqquttumik nassaassalluni, taamaaliornikkut sapinngisamik ukiorititanut naam-massinittunut tamanut tunngaviummik pisartagaqartitsisoqarsinnaalersillugu.

Soraarnerussutisiaqartitsinerup aaqqissuuteqqinnissaa naatsorsuutigineqarpoq UKA2015-imi suliari-neqassasoq.

Tamatumalu saniatigut sulii soraarnerussutisiaqartitsisarnermi iluarsaaqqinnerit allat naatsorsuutigineqarput suliarineqarnissaat, taamaalilluni annertunerusumik sulinermi isertitaniit soraarnerussutisia-assanik katersisarneq pinngitsoorani pisussanngorsinnaaqqullugu, aammalu nunanit allanit soraarnerussutisiaassanik akileraarutissat siuartinneqarsinnaalernissat, taamaaliornikkut soaarnerussutisiaassat Kalaallit Nunaanni katersat aamma nunatsinni akileraarutaasussanngortinneqarnerisigut.

Siuliani pineqartut aqqissuusseqqinneq aningaasaqarnikkut kommuninut kinguneqassaaq, tamannalu annertunerusumik qulaajaavigineqassaaq Ilaqutariinnermut Naalackersuisoqarfiup, Aningaasaqarnermut Naalackersuisoqarfiup kiisalu kommunit akornanni atortuulersitsinissap tunngaanut ingerlanneqartumik.

### **Kommuninut ataatsimoortumik 2016-imi tapiissutit**

Kommuninut 2016-imi ataatsimoortumik tapiissutit 1.319.849.000 kr.-inik annertussuseqassapput. Ilangussami 1-imi ersippoq ataatsimoortumik tapiissutit 2015-imut sanilliullugit qanoq allanngortinneqarnerisut. Isumaqatigiissummi immikkuualuttut uani ataani allaaserineqarput.

### **1. Akinut akissarsianullu iluarsiiissutit**

2015-imut ataatsimoortumik tapiissutinut isumaqatigiissummi 2016-imut ataatsimoortumik tapiissutissanut aallaaviusoq 1.313,6 mio. kr.-inik annertussuseqarpoq. 2016-imut isumaqatigiissummi ilaavoq kommunit inatsisit naapertorlugit ineqarnermut akiliutinut tapiissutaannut aamma siusinaarluni soraarnerussutisianut atatillugu aningaasartuutaannut inaarutaasumik akiliuteqarneq katillugit 126,3 mio. kr.-inik annertussuseqartunik. Kiisalu 9 mio. kr.-it Danmark-imi aamma nunatsinni inisiisarnernut qitiusumik aningaasaliissutitut immikkoortinneqartut. Ataatsimoortumik tapiissutinut 2016-imi aallaaviusoq siuliani pineqartut iluarsiiisutigereerlugit annertussuseqarpoq 1.196,2 mio. kr.-inik.

Illua'tungeriit isumaqatigiisutigaaq akinut akissarsianullu iluarsiiissutit 2015-imi siuliani pineqartunik 1.196,2 mio. kr.-inik iluarsisat 1,59 %-imik iluarsiiivigineqassasut, tamannalu 2016-imi 19,0 mio. kr.-ivoq.

### **2. Ineqarnermut 2014-imi tapiissutit iluarsiiivigineqarneri**

Ineqarnermut tapiissutinut 2014-imi aningaasartuutit naatsorsuutigisanit appasinnerulaarput. Illua'tungeriit isumaqatigiisutigaaq kommuninut ataatsimoortumik tapiissutit appaavigineqassasut 419.000 kr.-inik 2016-imi, 2014-imi atuinerup naatsorsuutigineqartup naammassillugu naatsorsorneqarneratut.

### **3. Siusinaarluni 2014-imi soraarnerussutisiaq iluarsiiivigineqarnerat**

Siusinaarluni soaarnerussutisianut 2014-imi aningaasartuutit naatsorsuutigisaniit appasinnerungaatsiarsimapput. Taamaattumik illua'tungeriit tamanna tunuliaqutaralugu isumaqatigiisutigaaq kommuninut ataatsimoortumik tapiissutit 2016-imi appaavigineqassasut 19.662.000 kr.-inik.

#### **4. Danmarkimi nunatsinnilu inissiisarnernut atatillugu qitiusumi immikkoortitat**

Innarluutilinnut atatillugu suliassaqarfiup 2011-mi kommuninut nuunneqarnerani isumaqatigiisutigineqarpoq aningaasanut inatsimmi qitiusumik aningaasaliissutinik immikkoortitsisoqartalisasooq, kommuninut aningaasaqarnikkut tapiissutaasartussanik, innarluutilinnik immikkut akisuunik Danmarkimi inissiisoqartarneranut atatillugu. Tamatumalu kingorna aningaasaliissutit nunatsinni inissiisarnernut aamma atorsinnaasunngortinneqarput. Aningaasanut inatsimmi aningaasaliissutit immikkoortitat kontomi pingaarnermi 30.13.07 Danmarkimi Kalaallit Nunaannilu inissiinernut qitiusumik immikkoortitat inissinneqarsimapput.

Aningaasaliissutit immikkoortitat ataatsimoortumik tapiissutit ilanngaavigineqarnerisigut aningaasalersorneqartarput.

Aningaasanut inatsimmi 2014-mi kontomi pingaarnermi 30.13.07 Danmarkimi Kalaallit Nunaannilu inissiinernut qitiusumik immikkoortitat Danmarkimi nunatsinnili inissiisarnernut atugassat 6 mio. kr.-it immikkoortinneqarput. Taamaattorli 2014-imi 2.912.000 kr.-it aningaasaliissutiniit atorineqarput, taamaattumillu ataatsimoortumik tapiissutit 3.088.000 kr.-inik 2016-imi qaffanneqassapput, 2014-imi atuinikinnerussutaasut annertoqataannik.

#### **5. 2012-imi akileraartarnikkut allannguinerit atortuulersikkiartuaarneri**

Inatsisartut 2012-imi ukiakkut ataatsimiinnerminni akileraartarnikkut allannguinnissat akuersisutigaat. Akileraartarnikkut allannguinerit ilaatigut sinneqartoorutunut ingerlaannartumillu nalikilliisarnernut malittarisassanut tunngasuupput, aningaasaqarnikkullu kingunerisassai ukiut arlaqartut ingerlaneranni atortuulersikkiartuaarneqassallutik.

Illua'tungeriit tamanna tunuliaqutaralugu isumaqatigiissutigaat ataatsimoortumik tapiissutit 1.412.000 kr.-inik 2019-imiit qaffanneqassasut.

#### **6. SIK-mut isumaqatigiissuteqarnerup kingunerisaanik kommuninut matussusiineq**

Sulineramik Inuusutissarsiuqartut Kattuffiannut (SIK) kingullermik isumaqatigiissuteqarnermi isumaqatigiissutaavoq kommunit Namminersorlutik Oqartussaniit tamakkiisumik aningaasaliussat anertunerulernerannut matussutissarsisinneqassasut, tamannalu kommunini 7,9 mio. kr.-inik aningaasartuuteqarnerulernermik kinguneqarpoq.

Kommunit aningaasartuuteqarnerunissaasa naatsorsorneqarneranni taamaattoq ilanngaatigineqassapput 3.668.000 kr.-it kommunit akit akissarsiallu naleqqussarneqarnerannut atatillugu tigareersimasaat, ataatsimoortumik kommuninut tapiissutitigut, tassani SIK isumaqatigiissuteqarfiusut tallimat akissarsiatigut iluarsivigineqartut ilagimmassuk.

Illua'tungeriit tamanna tunuliaqutaralugu isumaqatigiissutigivaat ataatsimoortumik 4.232.000 kr.-inik 2016-imiit qaffanneqassasut.

**7. Innarluutilinnut ulloq unnuarlu angerlarsimaffiit kiisalu meeqqanut inuusuttuaqqanullu – 2016-imi aningaasartuutissanut missingersuutit**

Ulloq unnuarlu innarluutilinnut kiisalu meeqqanut inuusuttuaqqanullu angerlarsimaffiit kommuninit aningaasalersorneqarput. 1. januar 2014 aallarnerfigalugu aningaasalersuineq 100 %-imik annertussusilerikkamik akiliuteqartitsisarnermut nuuppoq, meeqqanut inuusuttuaqqanullu inissineqarsimasunut tunngatillugu. Siusinnersukkut aningaasartuutit 50 %-ii kommuninut ataatsimoortumik tapiissutit ilanngaavigineqarnerisigut akilerneqartaraluarput, sinnerilu 50 %-it annertussusilerikkamik akiliuteqartarnikkut akilerneqartaraluarlutik. 100 %-imik annertussusilerikkamik akiliuteqartitsisarnermut ikaarsaarnermi aallaavittut kommuninut ataatsimoortumik tapiissutinut tamanna sunniuteqanngilaq.

Ilaqutariinnermut, Naligiissitaanermut aamma Isumaginninnermut Naalakkersuisoqarfiup aamma KANUKOKA-p sulii innarluutilinnut aamma meeqqanut inuusuttuaqqanullu ulloq unnuarlu paaqqin-nitarfeqarnermut aningaasartuutissanut 2016-imut missingersuusiat naammassinngilaat, illuatungeri-illi naatsorsuutigaat tamanna qaammatit tulliuttut ingerlaneranni naammassinngilaat.

**8. Pissutsit allat**

Inatsisissatut siunnersuutit Inatsisartunit suliarineqarsimanngitsut aningaasaqarnikkut kingunerisas-saat kingornatigut illua'tungeriinnit isumaqatigiinniutigineqarsinnaapput.

Ataatsimoortumik tapiissutissanut isumaqatigiissut una Namminersorlutik Oqartussat kommunillu akornanni isumaqatigiissutigineqartoq aningaasaliissutinik akuersissuteqartartut akuersinissaat apeqqutaatillugu isumaqatigiissutigineqarpoq.

Nuuk, ulloq 7. juli 2015.



---

Anda Uldum  
Aningaasaqarnermut Aatsitassanullu  
Naalakkersuisoq



---

Palle Jerimiassen  
Kalaallit Nunaanni Kommunit  
Kattuffianni siulittaasoq

NAMMINERSORLUTIK OQARTUSSAT  
KALAALLIT NUNAANNI KOMMUNIT KATTUFFIAT

**Ilangussaq 1. Kommuninut ataatsimoortumik tapiissutissat aningaasartuutissanut missingersuusiorfimmi 2016-imi**

	Isumaqa-	Isumaqa-	--- mio. kr. ---		
	tigiissut	tigiissut	2017	2018	2019
	2015	2016			
Aallaaviit ukiup siuliani isumaqatigiissut tunngavigalugu	1.302.600	1.313.590	1.315, 5	1.317,1	1.317,1
1. Akinut akissarsianullu iluarsiiisutit	11.956	19.020	19,1	19,1	19,1
2. Ineqarnermut tapiissutitut iluarsiiisutit	-971	-419	0,0	0,0	0,0
3. Siusinaartumik soraarnerussutisianut iluarsiiisutit	-17.344	-19.662	0,0	0,0	0,0
4. DK-mi nunatsinnilu inissiisarnernut qitiusumik immikk.	-1.096	3.088	0,0	0,0	0,0
5. Akileraart. allannguinerit 2012 atortuulersikkiartuaarnerat	0	0	0,0	0,0	1,4
6. SIK-mut isumaqatigiisummut matussutissat	0	4.232	4,2	4,2	4,2
Kommuninut ataatsimoortumik tapiissutit nutaat	1.295.145	1.319.849	1.334, 5	1.336,1	1.337,6